



Disputatio medica inauguralis de hydrophobia

<https://hdl.handle.net/1874/347228>

יְהוָה מֶצֶן
DISPUTATIO MEDICA
INAUGURALIS
DE
HYDROPHOBIA.

15.

QVAM,
DIVINO FAVENTE NUMINE,

Ex auctoritate Magnifici Rectoris,

D. HERMANNI van HALEN,

S.S. Theologiæ Doctoris, ejusdemque Facultatis in Inclytâ Academiâ
Ultrajectinâ Professoris Ordinarii, Verbique Divini ibidem in
Ecclesiâ Praeconis,

NEC NON

Amplissimi Senatus Academici consensu, Nobilissimeque

Facultatis MEDICÆ Decreto,

PRO GRADU DOCTORATUS,

Summisque in MEDICINA honoribus & Privilegiis
ritè, & legitimè consequendis,

Publicæ eruditorum censuræ submittit

PETRUS BAGGERUS, Danus Coagiensis.

Ad diem 19. Junii, hora prima pomeridiana.



TRAJECTI ad RHENUM,

Ex Officinâ FRANCISCI HALMA, Academiæ
Typographi, clo Ic Lxxxix.



PROLEGOMENA.

Quod si innumera venenorum genera hominibus necem minitantia proponere sibi quispiam in animum induixerit, quantum quæso ille tempus tantæ librorum faragini conscribendæ impenderet, ne dicam esse impossibile. Tot enim occurrunt venena oculis rationique latentia, ideoque explicatudifficillima, quot quæso homines ab aëre attrahunt noxia, quæ naturali balsamo iterum oppugnantur, quod si verò venenum fortius agit manifesteque se prodit alexipharmacis adhuc opitulamur naturæ. Ast ut dantur morborum alii qui citissime periodum absolvunt, alii verò longo temporis tractu demum eventum ostendunt. Ita & venenorum quædam ocissime occidunt, quædam tardius, quædam vero adeo incertè procedunt, ut cum hoste dolo male inducias componente non iniquè compares. Facem nobis præfert venenosum istud animalium genus tarantula, non tam oris septentrionalibus quam Apuliæ montibus cum ex-

perto damno notum, Historici enim Medicique uno quasi ore
consentiantur, istius veneni hanc esse naturam, ut licet ta-
rantati parvum quidem ex ictu parsentiant dolorem, postea
tamen gravissima patientur symptomata, utpote tristitias,
lacrymas, saltus minus voluntarios, adeo ut scenem 24 an-
norum scipioni suffultum tardè procedisse, tarantula verò
ictum capreoli ad instar saltasse prodit Epiphan. Ferdinand.
Histor. 81. pag. 254. Et quovis revertente anno plurimi cho-
reas redintegrare cogantur. Sed ut nullum in rerum natu-
ra reperitur animal, cui non superius aliud sagax Naturæ
propositum, ideoque generavit aliud animalculum ad vespæ
similitudinem proxime accedens, quod tanquam infectus hostis
tarantulas insidiando, occidendo undiquaque queritat,
hoc animal ab incolis Carbonem vocari annales referunt, ita
etiam summus Naturæ Conservator funesti hujus animalcu-
li veneni aliorumque morborum Domatores excitavit Medi-
cos, qui sobrias nimis istiusmodi Choreaas suavi preter alexi-
pharmacis, musica demulcere nōrunt. Ast relicto hocce
Borealibus non ita obveniente affectu, aliud genus
Venenia cane scilicet rabido communicati attingamus.
necessum est.

DIS-



DISPUTATIO MEDICA
INAUGURALIS,
DE
HYDROPHOBIA.

THEISIS I.

Est itaque Hydrophobia affectus præter naturam & sæpe quidem delirium à veneno quodam peculiari in animali genito & homini communicato , cum vehementi liquidorum omnium & aquæ potissimum abominatione.

I I.

Quatuor circa hunc affectum præprimis Consideranda veniunt. 1. Tangens scil. Dens

A 3 cani-

6 DISPUTATIO MEDICA

caninus vel saliva, licet enim è morsu aliorum etiam animalium rabiem illatam esse plurimi testantur, funesti tamen hujus affectus causa plerumque canis existit, in quo Spiritus atque humores nimio naturalis velut alem-bici calore attenuantur, una cum particulis crassioribus exaltantur qui deinde in ductus salivares amandantur, iisque salivæ commixti illam subigunt, fermentant, bullas crient cum spuma ampullofas, sal denique, quo cibi perficiebantur, corrumpunt. 2. Corpus quod attingitur. 3. Materia seu qualitas contagiosa, quæ communicatur. 4. Locus in quo fit communicatio.

I I I.

Post acceptum & communicatum hoc venenum, alii citius, alii tardius in rabiem aguntur, alii quidem post paucos dies, alii demum post longum temporis tractum, veneni effectum percipiunt: Exempla Hydrophorum plurima proferunt Auctores, quorum quidam septendecim ut Brasavolus *lib. 2. Aph. Comment. 23.* quidam octodecim ut

Guai-

I N A U G U R A L I S. 7

Guainerius in *tract. de ven. cap. 12.* Quidam quadraginta integros annos ut Alzaharavius rabidi canis venenum sub cineribus quasi occultatum delituisse referunt, hoc tamen vi occulta veteres probare conantur.

I V.

Ast rejecta vi occulta, acceptaque sanguinis circulatione statuimus, vulnere parti canis morsu adacto, saliva illa seu particulæ fermentativæ proferuntur sensim in arterias, ubi pro viribus suis & partis affectæ ratione serius ociusve novos motus conciliare valent.

V.

Ne verò periculum sit in mora, statim post acceptam cladem si fieri potest considerandum erit animal, præterea tritas nuces juglandes super vulnus tempore sufficienti relietas, Gallinæ objiciunt. Si enim vulnus fuerit venenatum, perit Gallina, alii farinam cum sanguine vel purulenta materia miscent. Razes & Avicenna medullam panis vulneri affricatam & sanguine emanante infectam cani devo-

8 DISPUTATIO MEDICA

devorandam objici jubent, si enim Canis oblatam aufugerit; aut post commesam in rabiem agatur, vel moriatur. Signum adest veneni.

V I.

Signa ergo incipientis rabiei sunt: Anxietas, iracundia sine ratione, ventriculi gravitas, & querela de aëre inclementiori et si serenum cœlum fuerit, corporis totius gravitas, vigiliae & somnus perturbatus. In parte commorsa, et si ulcus consolidatum sit, dolor quidam percipitur, &c. Confirmatae vero sunt: Membrorum distensio, faciei rubor, anxietas, ægrique spumantes torvis oculis aspectuque horribili obvios adspiciunt dentibusque appetunt, liquida omnia demum detestantur.

V I I.

Medicus itaque curam aggressus cucurbitulas vel cum vel sine scarificatione, ne alia obsint parti affectæ imponat, ut venenum extrahatur. Si enim vulnus sit exiguum scarifi-

can-

I N A U G U R A L I S. 9

candum contra verò censemus si amplum vel in parte quadam quæ istiusmodi operationem non admittit, alias imponantur sanguis sugæ, quæ sanguinem veneno infectum exsugunt. postea applicentur medicamenta valide attrahentia, quæ ex allio, stercore columbino, sinapi, nuce jnglande cum fermento & sale trita item cum melle & theriaca mixta apponantur. Vel,

R. *Picis* lib.

Aceti acerrimi ʒix. *In tenellis verò corporibus vini tantum.*

Opopanax. ʒiij.

Opopanax prius in Cyathis 4. præscripti liquoris dissolvitur qui superest cum pice coquitur, cui ubi satis decoctum est, Opopanax additur, & coquuntur, cavendo ne efferveant, hinc factum emplastrum parti applicetur.

V I I I.

Nimis cito minus tuto occluduntur vulneris labia, si Medicus enim consolidationem nimis præmaturet, lupum in stabulo inclu-

B dat.

10 DISPUTATIO MEDICA

dat. Servetur igitur vulnus apertum tantum temporis quantum requiritur, & teste Sennerto 40. dies, sed vix certum præfixum-ve tempus præscribi potest, sed ratione vulneris & circumstantiarum variari debet, cavendo ne quædam in corpore subsideant veneni reliquiae. Interea Diaphoretica & alexi pharmaca non sunt negligenda.

I X.

Si verò Patiens sit robustus & ab operatione non abhorreat, expeditissima via est, adhibere cauteria actualia, quæ venenum absorbunt & diuturnum ulcus, per quod virus effluat, relinquunt. Ustione peracta, danda opera, ut eschara festinanti manu amo- veatur, venenumque per ulcus evacuari queat. Nam crusta ulceri inhærens in causa esse pos- test cur venenum retineatur & ad corporis in- teriora penetrret.

X.

Vulgus ad clavem templi tanquam ad sa- cram anchoram confugit, & quidem non ini-

inique, modo ignitam satis, quia cauterium
in hoc affectu, si locus non repugnat, vide-
tur tutissimum, sed suspicio vulgi taxanda
venit, eo quod plurimi sibi persuasum ha-
beant, clavem hanc ob sanctitatem quasi
plurima præstare posse: statuendum verò exi-
stimo aliam clavem æque ac illam in defectu
cauterii secundum artem fabricati non in-
congruè cum fructu in usum vocari posse,
si extremitas ejus à forma cauterii non mul-
tum abludat, modo absit suspicio, sed si
cauterium actuale aptius formatum haberet
potest istud eligendum censeo.

X I.

De Venæctione & purgatione forsan
hic etiam aliquid dicendum erit, quoniam
in omnibus fere morbis purgantibus sangu-
inemque evacuantibus malum eradicari haud
pauci credidere, attamen in morbis venenatis
saniores Practici ista ut minus tuta omittunt,
& fatendum certe in cæteris etiam laxantia
fortioribus Catharticis, Diaphoreticaphlebo-
tomiae sape numero præferenda esse, modo

12 DISPUTATIO MEDICA

non repugnant robustiora & plethorica corpora, quæ fortiora forsitan fligitant remedia, interdum enim magnis nodis magni quærendi sunt cunei.

X I I.

Quod si verò malum jam aliquamdiu latitans virulentiam suam primis prædictis symptomatibus ostendere incipit, cito illi remediis convenientibus utpote alexipharmacis & diaphoreticis occurrendum est. Ne postremis Symptomatibus malum confirmatum desperatum evadat.

X I I I.

Inter specifica commendantur pulvis Cancrorum fluriatilium & succus cæparum

Vel

Rx. Rad. Gentianæ

Valerianæ an. ʒiʒ.

Fol. consolid. min.

rutæ ficcæ

pulegii an. Mj.

Cancrorum calcinator ʒi.

Co-

Coquantur cum vino, & expressione facta, dentur patienti mane 3ij. Quod si vero fortius arideat decocto hoc uti poterit tanquam vehiculo pulveris alicujus alexipharmaci cum specificis mixti :

X I V.

Morbus hic est acutus, venenumque contumax, ideoque nec lenta remedia nec segnes Medicos expetit. Quod si vero eo pernicies processerit, ut aqua & liquidorum metus incesserit. Galenus Medicamento suo ex

Thure part. j.

Gentiane v.

Cancr. fluviat. x.

Patientibus animum addere videtur, aliique immersionem in aquam frigidam præcipue marinam suadent. Ast Practicorum plurimi his illique istud polytryleton Ovidium occinunt.

Tollere nodosam nescit Medicina padagram

Nec formidatis auxiliatur aquis

COROLLARIA.

I.

*R*abies Canina est morbus contagiosus, Morbus vero a veneno viperæ productus potius dici debet venenatus quam contagiosus, eo quod venenum illud viperæ sit connaturale & non morbificum.

II.

Morbus malignus & contagiosus sese mutuo exceedunt, nam pestis est morbus malignus & contagiosus simul, malignus non contagiosus potest esse aliqua tertiana. v. g. habens Symptomata insolentiora quidem, sed non contagiosa, morbus contagiosus non malignus, potest esse scabies.

III.

Ex amore amentia, licet sicco pede à plurimis Practicis prætereatur, & illam ut inter humani corporis affectus non annumerandam omit-tunt,

tunt ; quantas tamen quandoque edat strages,
testantur exempla Samsonis , Herculis Didonis
& aliorum. De Remediis amoris Ovidius Na-
so , hæc in arte nemini cedens quam plurima
proponit. Medici quoque non nulli varia ex-
cogitavere. Quibus tamen omnibus si quem-
piam philtoris aut poculis amatoriis inescatum
curare tentes , citius vitam quam malum era-
dicabis. Quin nisi in ipso principio Vomito-
riis & Alexipharmacis &c. Huic affectui
dicatis ægro succurras , oleum & opera perdi-
tur.

I V.

*Vix sufficienter probari potest Adamum & Evam
habuisse umbilicos , quia , fuerunt a Deo crea-
ti , non vero matri alligati.*

F I N I S.

et ergo tunc supradictum nomen nuncupatur ; non
autem dicitur. quod nomen aliud de nominis est
sed etiam nomen istud dicitur. Et nomen
est nomen quod nomen nuncupatur sicut in ead
etiam dicitur illud non nomen nomen. Autem ergo
nomen dicitur nomen nuncupatio. autem ergo
nomen dicitur nomen nuncupatio. non etiam nomen
est nomen nuncupatio nomen nomen. etiam etiam
nomen nomen nomen nomen. etiam etiam
nomen nomen nomen nomen. etiam etiam

LIBER VI

autem dicitur nomen nomen nomen nomen
nomen nomen nomen nomen. etiam etiam
nomen nomen nomen nomen. etiam etiam

S I N I S